



ESTD. MARCH 2008

FEBRUARY 2026

Hinna Vâk

AN ORGAN OF THE TANGPAI PRESBYTERIAN CHURCH



NANG IN KEI LEI HEPI EM?

- Kipumkhatna
- Bang la pawimaw pen em?
- Karbi Anglong Mission Field ka zawtna

To,

If undelivered please return to - TPC Office,
P.O. Box - 107
D. Phailian,
Churachandpur - 795128
Manipur, India

EDITORIAL | SERMON | KOCHUAM HUANG | REPORTS | SÛNNA ETC.

Editor	: Rev. Kamkhotinthang Neihzial, Executive Secretary
Joint Editors	: Rev. C. Lalremruata, Consultant : Rev. Luttinlel : Rev. Khaisonthang Vaiphei : Upa Thualkholian : Upa Nengsuanthang : Pi Neikhovak, General Secretary, CKNP : Tv. Lianmuanthang, General Secretary, CKKP
Business Manager	: Tual Upa Langlalthamuan TPC Office D. Phailian P.O. Box 107 Churachandpur-795128 Phone No. +91 9958160325 Email - ehinnavak@gmail.com

Kum khat lak man : Rs. 150.00

A man penuam leh a la thak nuamte'n Business Manager kiang ah hiatsak di.

A SUNG AH THU UMTE

1. Editorial	01
2. Kochuam Huang	02
3. Nang in kei lei hepi em?	04
4. Kipumkhatna	10
5. Bang la pawimaw pen em?	14
6. Khawitak a h'em mun thiango chu	18
7. Karbi Anglong Mission field ka zawtna	21
8. West Karbi Anglong Mission Field Chinthong Block Nasepna Reports	24
9. KKP Huang	28

SYNOD PUIPATE

Moderator	:	Rev. S Lama Vaiphei
Secretaries	:	Rev. Summinlian Vaiphei (Sr.) Rev. Lalpiaklian (Jr.)
Finance Officer	:	Upa Tinliankham
Statistician	:	Rev. Andrew LR Khiangte
Executive Secretary	:	Rev. Kamkhotinthang Neihzial
Consultant	:	Rev. C. Lalremruata

Hinna Vâk ah thu kisua zosia hi Editor ngaidan a hi suak puai



Pauchapna Thupi:

1. KNP Vaihawm kikhawp, KKP General Conference Taksa leh Thagau ah lawting tak ah mat a hi theina ding in pauchap hitiu.
2. Kochuam tin Naupang Sunday School zilsaktute â ding in; i cha leh nauteu Pathian thu diktak ah a zilsak theina ding un leh Piting zilsaktute â ding inle pauchap hitiu.
3. Bial enkawl Pastor-te leh a zi leh chateu â ding in pauchap hitiu. Chuleh, Pro. Pastor leh Evangelist-te â ding inle pauchap hitiu.
4. Gamsung buaina ziaak ah panlatu pawl chuam chuam ah puitute a ding in pauchap hitiu.

HAW NGAILONA LAMPI

Hinna Vâk Simtu dawitak zosiate i kalsuannau zosia ah Pathian mapuina dawng chiat ding in dawisakna ka hun lân hi.

Israel mipite khan a haw khak ngailo lampi a haw lai un haksatna tam tak a tuak ui. Kanaan gam a tunmau in kum 40 vîng veng a vakvai malam u’i. Gamtiam Kanaan gam a tunna ding un Jordan lui, a kamdim tiang ah luang chu a pal gâlkâi uh a ngai kit hi. Mihingte â ding ah pal ngaina a umlo a hi. Zia bep chu hilo, a chia khak ngailonau lampi ah chia di hi nalai sê. A haw ngailo uh lampi chu huphul um tak a hi. Maleh, a lungke diak puau. A puitu Pathian a muanngam ziaak un.

Zia lampi thak, het ngailo leh masawn haksa tak chu Pathian puina, umpina, thuawina leh kisuhthiangtho pum ah a haw ziaak un bit tak in a tup gam uh puitun in a um ui. Ziagual chun, ei hawn le i haw ngailo lampi i maitua hun un Pathian taksang leh zui in kipui sak leuhin, huphul di bangma a um puai.

I hinkhuau ah haw ngailo lampi i haw zing lai un Mosi hun ah Pathian in a mipite, mei leh sumpi zîng ah a umpi a, a pui gual in ei uh le ei umpi intin, ei thathamlo di a hi ti hi muangngam hitiu. I haw ngailo uh lampi i zuizing theina ding un leh i tupna mun uh i tun ngei theina ding un Pathian puina zuizing hitiu. Zia ding ah chun eimau theina suanglo in Ama i suan zawk diu a hi.

Nisîn ah hin thil thak masawn di i nei chiat u’i. Nei zing zêl di i hiu. I thil tuak di helawk i um puau’. Pilvang tak in i lampiu haw ngailote haw ding in kiguanggal tup leuhin. I kisik zuina diu thilte bawlo ding in chunglam enzing pum in chia hitiu

Rev. WC Martin chun, “Ei puina ah chun chia ingka, Ama chu ka taksan ziaak in,” a ti gual in ei unle i lampi haw ngailo uh i zuizing lai un Jesu kipui sak zing hitiu. **Hinna Vâk** simtute zosia Lalpa’n hun malzawl chiat ta hen!



Kochuam Huang

Pastor Bial KKP Conference leh Bial KNP Kikhawmpi nei zaw thu

Pastor Bial KKP Conference chu bangma buaina umlo in Pastor Bial 21 te'n taksa leh Thagau ah lawting tak in Biakna Kikhawp, Vaihawmna, Kitêlna leh Fellowship te'n a mangzo thei ui. Chuleh, Bial KNP Kikhawmpi chu Pastor Bial tinte'n lawting tak in a mangzo thei ua, Bial khenkhat in Fellowship le a nei thei ui.

RMHS Teacher lâkbe thu

Synod Service Board 21:4 dt. 29.1.26 chun Rostad Memorial High School ah Contract Basis ah Teacher nâ semtu ding in a nuai ah te hi lâk a hui.

English Teacher

L. Seikhengin Baite, Dongjang Kochuam

Hindi Teacher

Thangsanglian Vaiphei, New Lamka Kochuam

Social Science Teacher

- 1. Samuel Malsawm,**
Vengnuamphai Branch Church
- 2. S. Paukhanlal Vaiphei,**
Jubilee Kochuam

Misionary lak thu

Synod Mission Board nuai ah Contract Basis ah Missionary nâ, Karbi-Anglong Mission Field (KAMF) ah sêm ding in, Pi S.T. Nianglalngak, Hill-town chu lâk a hi. Ama hi ni 2 March, 2026 ah join di a hi. Chun, Pu Tongthianmang, Kangvai hi Waiting list ah kawi a hi.

Revival Speaker lak thu

Kum 2026 sung â ding ah Tangphai Presbyterian Kochuam, Revival Speaker ding in, a nuai ah mi pali (4) te hi lâk a hui- (Revival Committee 8:3 dt. 15.1.2026)

- 1. Pu Kamzathang,**
Gangpimual Kochuam
- 2. Tv. ST Satboi,**
Centenary Kochuam
- 3. Tv. M. Sasang,**
Centenary Kochuam
- 4. Tv. Duhlian Pauthianmang,**
Hill-Town Kochuam

Revival Speaker Orientation

Synod Revival Speaker Orientation chu ni 18 January, 2026 ni'n Tangphai Synod Office, Committee room No.1 ah lawting tak ah neizaw a hi. Zia hun ah hin Resource person in Rev. Kamkhotinthang Neihzial, Executive Secretary, Rev. S. Khaikholam, Rev. S. Lama Vaiphei, Moderator leh Rev. Thanglianlal te a pang ui.

Pro. Pastor Orientation

Pro. Pastor thak Orientation Programme hi ni 18-19 February, 2026 sung ah Committee Room, Tangphai Provisional Synod Office ah nei hi di a hi. Zia hun sung ah resource person ding a hin hotu suan um tak tak mi 10 hial chial a hui ah, amau ah kipat in thupi chuam chuam Pro. Pastor thak â ding liau liau ah a hung guanggal uh chu zikhawm hi di a hi.

PRO. PASTOR ORIENTATION

TOPIC	RESOURCE PERSON
1. Church Administration, Kikhawp puihuaina	Rev. K. Neihzial
2. Pastoral Care & Counselling	Rev. Ph. Thianneilal Vaiphei
3. Upate tawh Sepkhawm didan	Rev. S. Lama Vaiphei
4. Mipite'n Pastor a kineppi dân & Pastor-te kipumpiakna (Commitment)	Upa Tinliankham
5. Mission's & Revival	Rev. Lalpiaklian
6. Pastor & Tulai Khawvel (Current Issue)	Rev. Andrew LR Khiangte
7. Materialism & Ethics	Rev. Siamlalron
8. Kochuam Dân chuam chuamte	Rev. Vanlalchhuanga
9. Kikhawmpi & Committee chiadan, Synod Dept. Committee	Rev. Summinlian Vaiphei
10. File leh Record etkawl, Office chiadân	Upa Lalbiaklian Vaiphei

NANG IN KEI LEI HEPI EM?

(Johan 21:15-19)

~ Rev. C. Kailianson
i/c Singngat Pastor Bial

Thumapui : Khawvel khantona a sâng ma ma ziang ta, mihing châ thiamna hin a bat phâklo di, a sui phâklo di um talo a dia aw ti thei hial kawp in a um ziang ta, kum 20 chia ta ah mual eila liamsan ta te haw tu hun ah hin hung tho kit ziang leu mak sa ma ma ding'un ka ngaitua sek hi.

Chanchin thak chuam chuam nisin in a suak zing a, thil kimu dawk thakte, chanchin huaisia tak takte, nuizat um tak takte, thil kibawl dawk thakte, i nisin hinkhuau hi ziagual ah chu kitaitêtna khawvel in a chup mai a hia, lungthim gim, kingaisia i tite haw hile ziahaw zia ah hi pung diak in mithiamte chun a gên ui.

Banggual ah thil thak; kisui dawk thak, kimudawk thak a tam vâng in, mihing a dam zing lai ah a lû suhawng ah a thuak laimu gil pên a khawi thei tâk vang un, mihing lunggêl mugil pên ah “emotions-ngaitua”:

dâna, hepina, lungsiatna, lungsiat le hî lungsiatlo le hi, kipâkna, i ngaitua zosiau hi kuama'n a hethiam thei tak taklo uh a hi. Khawvel ah mi huhâm pên ah tuni chan ah a gên uh Bin Laden, Saddam Hussain -te haw ziang hile amau hechiantu tak takte'n a phatdan uh, a mi hepi thiam dan uh a genchim theilo hial u a hi. Ei thingtângpa chun 'mi â ding ah gilo lehle kei â ding in mipha, ei hepi a hi' ti in i gên liam mai sek a, suimi leh zilmite chun a sui ua, a zil tak uh leh a hiatthiam zawlo uh, thilmak ah a gên sek uh a hi. Ziagual ah chun,

gingtute'n le sui dân, thil dân i nei a, gingtute chun mihing lungthim laimugil pên ah i ngaituana (*emotions*) i sia leh pha hiatna zosia hi Pathian in ei kawi piak ama i batna pên hî in a sui dawk tângpiu a (zia sâng ah suina gil zaw le a um ngei mai hi), zia ah i ngaituana cheng cheng hi Pathian â ding ah piak ding, Pathian â ding ah lat ding, zia chu Khrista'n ei tatna i piak thuk theina umsun hî in khaikhawm thei in ah. Zia haw zosia khaikhawm thei ding ah thumal hawi pên chu tuni i thupi HEPINA hi a hi.

Hepina thumal hi sui sau dâ mai hi tin un, zia i thu zik ah le HEPINA thumal a kilat phat phat leh i lungthim ah um ding ah daw i um chu "i lunggil, lungthim, ngaituana zosia, i kichei dân, i hin dân, i pau dân, i nasep dân, i hinkhua mat dân zosia Pathian â ding ah lân, Pathian â ding ah kipiakna, Pathian pawm tâk ding ah kilatna" a hi.

I Bible in le tuni i thupi HEPINA hi a ngaipawimaw ma

ma ziang ah, Pathian Chapa, Jesu Khrista'n khawvel gitlona tatna ding ah a mihing siam hung chang a, gim-genthe i a hung thawkna zosia hi le HEPINA thumal mangcha hin a hung khawikhawm a hi. Zia zia chun, Hepina hi a pawimaw a, Hepina lo a hin bangmalo a kihi dân zil daw thei le hin út a um ma ma hi.

Sawlichâk Paul hin a la hechian ma ma in ka hia'i, Korinth mite kiang ah lekha a thawt masak ah khan tia hin a la gen hi "Hepina chu a dawthei in; hepina chu a ngilnei in; hepina chun a thangsia pua'n; a kipâkcha pua'n; a kisathei pua'n; a tawi melsia puai. Ama makhua bep a khual pua'n, a lungna vak pua'n, phatlona lam a ngaitua pua'n; diklona a kipâkpi puan, thutak vâng a kipâkpi sek hi; bangkim a gingchan, bangkim a kinem in, bangkim a thuak mualsua sek hi." a gên zêl na a chun, "Ginna, kinepna leh hepinat hi a um zing un; ziate lak ah thupi pên chu hepina

a hi.” a ti a hi. A umdân chu Hepina neilo khâk ding a lau um khawp mai hi.

“Mi hepi thiamlo ka hia, hepina nei tawm ka hia, mi gum mawng mawng ka hia, mi hepi didan le helo ka hi” ti ah gingtu khat in kampau i la nei mai te hi chu ngaitua kham tak a hi, a zia chu, gingtu, Khrista neitu chun Hepina a nei ngei ngei hi ti leu hin dik thei pên ding in ka gingchai.

Tuchung Pathian thu i zil khawm ding uh hi le, Lalpa Jesu ngei in a nungzui Peter Hepina a zilsak dân zil ding i hiu.

1. Lalpa Jesu’n Simon a kona.

Lalpa Jesu’n Simon a kona hi, Matthai, Marka leh Luka-te’n a zik vek ua, a tângpi ah pat kimu dawk thei chu zia hi a kimu masakna pên uh hi ding in gingchak a um pua, zia hun tiang ah hin Lalpa Jesu hi vântâng hiat hi ziang nailo maleh, Galili dîl tuam vel lak ah hin chu mi hiat ma ma a hi tuak tai, Luka’n a zikna ziang

a hin le ama thugen ngâi ding in mipi a hung khawm ua, Peter lawng chung ngei a pat in Pathian thu a la zilsak a hi kha. Bang chu hita leh Lalpa Jesu’n Simon a kona hi Simon chun a dawnhu ngal ah Lalpa Jesu a zui hi ti a hi.

Chanchinpha bu te’n a zik khawm khâklo uh thil um thei ding ah mithiam te’n a zik uh tamtak a um a, zia haw chu tu chung hin suikim ziang thei puai tiu, ahinlah, thil kichian ma ma ziang a bu sim ah pat le mu ziang thei ding a um a, zia te chu vak en khawm hi tiu:

- i. Simon hin Lalpa Jesu chu hechian kei ziang nailo maleh, a chanchin a la hiat khâk tâksa hi ding in gingchat a um hi.
- ii. Simon hi Lalpa’n a ko zân ah khan zânkhawvâk in lên a sep hi. Zia hi thûk deu ah ngaitua ding ah chun, thil pangai a hi tuak puai, Insung ah buaina nei, sum leh pai lam ah buaina tuak ngei hi ding in

a gingchau hi, a ziakchu, zia gual ah buaina neilo chun zânkhawvâk ah sangâ sep ah bangma manlo ah le pang tun tun ziang ti hin a buaina sukvênna ding ah panla hi ding in suimi tam tak in ngaidân a nei ui.

iii.Lalpa'n Simon a ko ah hin buaina a nei leh neilo vâng a kichian puai, hi ziang maleh thil kichian khat a um hi, Lalpa min ah lên a sezaw ah sangâ a mat zaw a khan Lalpa kengbul a bawkkhup in "Lalpa ei nusia ta'n, migilo ka hi" a ti a hi. Zia hin chu, ama mimal tak ah thiltuak tam tak um hi ngei in tin, zia thilmak a tuak ah pat hin chu a puakgik tam tak ketha hi ding in gingchak a um hi.

iv.Lalpa'n sangâ man talo in mihing man ding ah hung siam ding ka hi a ti ah khan, bangma dang a gen tam pua, ka In leh lo le a ti pua, ka lawng leh lên le a ti pua, a bangkim nusia in Lal Jesu a zui ngal hi ti

chu Chanchinpha bu zîk zosia'n a zik dân uh a hi. Zia hin a gen nawp pên hi ding ah gingchat um chu a lawngte kha tia kha a nutsia ziang le hi khel puan tin, a sangâ matteu kha le tia kha limsaklo ah a nutsia ziangu hi khel puan a, a lawi leh pai teu, sanga a matpитеu in a la buaiپیu le hi ngei in a, a pawimaw pen chu ama leh a suapipa leh Jakob-te unau khan Lalpa chu a ngaituanau zosia pian a zui pan ngal ui.

Zia tak thiltung hi Khrista, Pathian hâtchungnung i hepina i suklatna ding ah i bawl ding pawimaw masa pên chu a hi. I bangkim bangkim nusia a (pawimawna pe masalo a) bangkim bangkim tawh Lal Jesu zui (pawimawna pe masa pên) a hi.

2. Simon-Peter nungzui te lak ah a dinmun a mizia tamlo

Simon hin lawi upa umchan tâk (*Leadership quality*) a tiu hi nei hawi ma

ma hi ding a hia, Lal Jesu nungzui sawm leh nite lak ah hin le a khaitu pê in a pang a, vaihawm leh thil sai dân le thiam ma ma hi ding a hi. Lalpa Jesu a mat guat lai ua a umchan ah pat mu dawk thei ah um chu ama hi Hotu â ding ah le body guard ah mat thei hial hîn a, Jesu mat gawpa bil le a la sât tha hial a hi kha. Lalpa'n "Tu zân ah hin keima zia in la lengun zâm in lau;" a ti lai ah khan le, ama chun "mi dang zosia zâm leu le ke'n vang hung jamsan pua'ng ka" a ti nalai hi. Lalpa'n thum vei ei kilepsan di la hi, a ti tiang in le a nuam tawplo a hi. Lungthim in vâng a zo in taksa'n a zo puai ti kha a thaw hi ngei ding a hia, a kilep san ngei hi thum vei hial.

Zia lai tak ah Peter in Jesu a kilep sanna zia hin awimaw a chang nasa ma ma ziang ah, Pathian thu gen tam tak in le i pho lang nasa ma ma ziang ui, a hinlah, zia thil tung hun ah hiatmil keilo ding chu, Lalpa'n kei zia ah taimang ding la hui a ti gual ah khan, a

nungzuite zosia chu a taimang ua, Lalpa Jesu mat ah a um ah, vaihawmte kiang tiang ah a la zui tung kha Peter a hi. Lalpa a lunggil tak ah a hepina hi Lalpa'n a la hechian ma ma chu hi di a hia, Simon lai pi Peter a sak mai!

2. Lalpa'n Simon chu Peter a sak hi.

Judate khankhua ah hin eimi te gual tho in umze nei tak tak in a nu leh pa-teu in a min uh a phuak piak sek ua, zia zia chun, a min uh tawh a hîna'u hi bang hem tiang in a chia kawp sek hi. Zia dungzui ah chun Simon min umzia le vak zilchian deu leu hin, Hebrai pau in "Ngaitha-Listening" a hiloleh "Pathian in a ngaithai- *God has heard*" ti a hi. A min um dân tak ah chun Pathian ngaitha, Pathian he, Pathian thu ngaitha ti lam, Pathian in a ngaithak zing ti lam le kawksak thei in a. Zia ah pat ah hin Lalpa'n a nungzuite lak ah hotu ding, a belâmte chawmtu ding pa chu Pathian ngaitha mai, Pathian in a ngaithak mai hi huntâwk salo

ngei chu hi ding a hi “Peter”
zia min um zia chu “Suang” ti
in a ko hi.

Mawl tak ah vak ngaitua
ding ah chun suang min put
mai ding chu ût umlo tak
hileh kilawm, hi ziangmaleh,
Palestine gam vêl ah khun
leingawi a tam ma ma ziang
ah, lei tâk gual ah a ngaitua
uh, mun hawi tak tak mai
ah a ngaitua zia k ua a chung
ah In hawi tak tak a sak uh a
kum le dailo ah chim tha pai
pai ziang hi a la tam ma ma
hi ding a hia, In a sak ding tak
uh leh mun hawi pên leh det
pên ding ah a hawl sekna mun
uh chu suang chung a hi sek
hi. Zia dungzui ah chun suang
chung ah In sak chu thil det,
a to, a pha, buldet, mawkpûk
siat zianglo ding etsakna’n
a hâ mat mat ziang ui. Lalpa
Jesu ngei in le suang chung
ah In sa-te tekhin thu in a la
mang hial a hi kha.

Zia gual tak a h a ngaikhawk
uh, ‘suang’ mangcha in Lalpa’n
Simon chu Peter ding in a min
a sak hial ta a hi.

Peter a sak zaw ah pat hin
ama Simon hinkhua ah hin
thil kitheng danglam tam tak
um ngei ding in ka gingcha a
hi. Lalpa nung a zuina hin a
hîna a ngaikhawk diak ding
ngei ka gingcha, a lawi leh
pai nungzui dang te ziang in
le a zâ chuam diak ngei uh
gingchat um tak a hi. Hotu
ding pên, a lubawk ding, a ma
kaitu ding chu suang gual ah
detdo, taksa leh thagau, ginna
leh khanchan ah suang gual
ah chak pha tit tet ah panchak
kei zing a pawimawna Lalpa’n
a et sak ûtna le hi ngei in tin,
“zia suangpi chung ah hin ka
kochuam hun lem ing ka tin;
mithi kul kawtkhak chun lang
zo puan’na, Vân-gam chabi
chu la khut in pia’ng ka in, lei
ah la kân chu vân ah le kân
hi’n tin; lei ah la thap chu vân
a le thap hin a” a ti piak nalai
hi. Chun, Pathian hing Chapa
a hî zia, Pathian a hî zia a
nungzuite lak ah puang daw
masa pên le ama Peter a hi.

- A bân hi issue kit ah sutzawp
di a hi.

KIPUMKHATNA

~Rev. Thianneilal Vaiphei
i/c Dongjang Pastor Bial

'Amau hawle pumkhat ah a um theina ding un. Nang ka Pa, keima ah la um ah, keima le nangma ah ka um gual in; amau le eimau ah a um ua, khawvel in keima hi nang ei sawl ka hi ti a ginchâk theina ding un' (Joh 17:21).

I Kochuam, khawtâng gam leh nam leh sungkuan tinte hin i mamaw pen uh bang a hem kiti leh 'Kipumkhatna' ti chiat ding in ka gingchai. Kipumkhatlona ziaak in kochuam a lah kikhenzâk sek ua, gam khat leh gam khat le a lah kido sek ua, sungkuan le a kikhenzâk un, nupân nasan le a lah kikhen sek ui. Chuti tak ah pawimaw a hi ziaak in Kipumkhatna chu a pawimaw ma ma hi.

Eihaw Pathian gingtu, a thisan ah a chawk sa kochuamte hi i kipumkhat nau em le? I kipumkhatlo ua a hi chun kua mawpuak a hi diam,

i leng ua mawpuakna a hi ti i het thak zêl uh a pawimaw ma ma hi. Pathian thu ah i mu gual un Kochuamte i kipumkhatna didân uh vak thîl khawm hitiu.

1. Lalpa pauchapna

Johan 17:9-11 i et chun Lal Jesu chu eimau gitlona ziaak ah khetden a hi ding kuan a khan, "Ka Pa Thiangtho, nang in kei lei piakte haw hi la min in vawp pha'n. Ei teni pumkhat i hi gual ah amau hawle pumkhat a hitheina ding un," a ti. Jesu hun lai a khan le kochuamte kipumkhatlona a um hi ti a kilang hi. Ziagual boruak lak ah chun kochuamte kipumkhatna ding a dawî ziaak in a thî di

kuan chan Pathian kiang in Kochuamte kipumkhatna ding in a pauchap ta a hi. Pa, Chapa leh Thagau Thiangthote kipumkhat tak ah nâ a sep khawm gual un kochuamte hi i kipumkhat nau em ti ki dawng chiat hitiu.

2. Kochuamte Taksa pumkhat i hui

Ephesa 4:1-6 a chun Sawlchak Paul in Kochuamte chu Taksa pumkhat i hi thu a tâklang hi. Zia thu a gen lai a chun Paul chu Rome sorkal Suangkul ah tâng zing lai a hi. Paul lungthim chu Khrista chun a lua dim a, Jentêlte kiang ah Chanchinpha hiltu in a siam a, Kochuamte taksa pumkhat i hi theina ding ua thil pawimawte a lah hil hi. Ziate chu:

1) Kingaitawmna leh thunuaigawlina

I kingaitawm theilona ziak pen tak chu 'eima hi pha tawk i kisak ziak a hi.' Min Khrista nun a ettawwna leh Pathian thil phût diktak ah a mudaw

bep in kingaitawmna nun a neithe sek hi. Mi a hung kingaitawm phat tak leh a hinkhua ah a hinpi theina ding in thunuaigawlina nun a hun nei thei sek hi.

2) Hepina

Zia hepina chu 'Phulo Hepina' (*Grik: Agape*), Khrista leh a nungzuite hepina ti'n le a gen sek ui. Hepina dik tak chu a dawngtu'n bang gual in susia sek maleh a hepitu lungthim a sudanglam zo diak puai. A kilawdaw hila hepina a ti hial sek ui. Zia hepina chu kochuam memberte chiat hin nei ta leu hin kipumkhatlo thu a um thei puai.

3) Dawtheina/Nunnêmna

Mihing hinkhua dawtheina/ nunnêmna nun hi nei haksa pen pawl a hi. A ziak chu i chapo ma ma ziak uh a hi. Lal Jesu neite chun haksatna leh gentheina tam tak thuak in, Jesu nun kikawppi ah dawtheina a neiteu chu a mang mai sek

uh a hi. Mi chapo, mi ningtel um, mimawl leh lûlul tak takte chun le Khrista zâl in dawtheina nei tak in mi thu a ngaitha mai sek ui. Zia a dawtheina chun Lalpa kiang a puitung sek hi.

3. Kipumkhatna a pawimaw-na ziaak te

- 1) Pathian dawî lam a hia, kikhenzâk chu Pathian hawt zawng tak a hi.
- 2) Kipumkhatna chu Lal Jesu pauchapna a hi. Ama gingtute chu taksa, thagau leh lungthim ah kipumkhat di i hiu.
- 3) Lei leh Vîn ah thil bangkim jawpkhawm tuptu Pathian chun gingtute kipumkhat chu a thiltup leh a dawî lam tak a hi.
- 4) Kipumkhatna chun Kochuam a hihât in, Pathian gam a hilian sek hi.

4. Kimpumkhatna ding siamtute :

- 1)**Pastor:** Pastor chu Kochuamte khâitu a hia, a etkawî belamte a ding ah Belampu pha a hi ding a hi.

Pastor chun kochuamte lak ah lau bîk leh lau lo bîk neilo ah kibang tak ah a etkawî ding a hi. Pastor chun a lam ah pang ding bîk a siam ding a hi puai. Thagau lam Pa pen a hi ziaak in a chate thagau An pha pian tin Kochuam Committee-te a seppi thiam ding a hi.

- 2)**Kochuam Upa:** Kochuam Committee leh Upate hi Lalpa belamte enkawltu a hi ziaak un kilungtuak ding a hi. Mithiam leh fel, miching leh mimawl, hausalehgentheite enkawî ding ah Lalpa'n a kochuamte mangcha mipite enkawî ding ah a têldawte a hiu. Kuama kimusit a, a kingainêplo ding uh a hi. Senior leh Junior deu ten le a dinmun uh kihemillo ah kingaichang tua ding uh a hi. Kochuam Committee a hin eima thu bep ngai thupi, midang a bangma ngai lo, mi kiang ah seppite sawisel chîng, ama thilbawî te fak a, midang thilhite sawisêl chîngte leh mipi mâ seppite sawisel chîngte hi Kochuam

mêlma khat a hi. Upate/ Kochuam committee-te chun Pastor tawh sepkhawm thiam dan a ngaitua ding uh a hi. Kochuam te ngaisak, thil ngaitua kim, lampi zosia ah mapuitu, mi lian leh neu kibang tak ah en thiam, hatlo leh liamte etkawl thiam chu a nasep uh lopi pen a hi.

3)Rawngbawltu dangte:

KNP, KKP leh Committee bâk chuam chuamte hin bangtik lai in le Kochuam Committee nuai ah um ka hui ti a hetmil lo ding uh a hi. Kingaichâng thiamtua in Kochuam Program chu a ngai thupi ding uh a hi. Eima dawidân dân ah kivaiahawm hin kipumkhatna a susia thei hi ti hetmil lo a phai.

4)Kochuam mipite: Kochuam mipite hin thu awi i zil uh a pawimaw khawp mai hi. Pathian biak kikhawp leh kochuam thilbawlte ngai pawimaw ding, nâ

sepkhawm ngai pawimaw ding, Pathian gam thilpiak leh thawlawm ngaikhawk ding, bawl ding leh bawlllo ding te hawi tak ah i zui dik chun Kochuam chu i kipumkhat mai ding uh a hi. Pawlam ah i kochuam sawisêl zianglo in i ngaimaw thil te Kochuam Committte ah tutna châng het a pawimaw ma ma hi.

Jesun ama nungzuite chu Pathian tawh kipumkhat a hitheina ding un a pauchap piak hi. Eihaw le pumkhat i hi theina ding uh khat leh khat kipauchap piak tua in, hi ding leh hilo dingte khendan thiam in, Lalpa ah i mawpuakna teu hezing kawm in kihepitua in, kingaithiam tua chiat leu hin Kochuam kipumkhat hithei hi tin uh, Jesu chawihawi in Pathian gam kêklian zêl thei hitiu. Lalpan Kipumkhat thei ding in a thu i gen teu i chanchiat a ding in ei malsawm piak ta hen. Amen.

BANG LA PAWIMAW PEN EM?

(Nasepte 16:25-31)

~ G. L Muana Neitham

Zân khang lai tak in Paul leh Sila chu a pauchap ua, Pathian pâk in lâ a sau ah; suangkul ngâkte zosia’n a ngaitha zing ua. Zia lai tak ah chun thakhat in lân a hung kilîng ah, suangkul chu hung kilawk in, a kawtkhak zosia chu thakhat in a hung kihawng ta’n; tichun, mitin kawlbute chu le a hung kiphel zo tai. Suangkul vêngpa ipmu lai chu thakhat ah a khatlaw phat in, suangkul ngâk zosia chu jam mang zo ta ding ua a ginchâk zia in, kisutlup ding gua’n a chemjâm a hun jukdawk a. Himaleh, Paul chu aw ngai tak in a hung kiko ah, “Bangma kilaw kin, ka leng un zia hin ka um nau hi,” a hun tia. Ziaphatchun, suangkul vêngpa chun meivâk a hawl ah, a hung chawm lut ah, kithing kawm kawm in Paul leh Sila kengbul ah chun a hung bawkkhup ta’n. Amau chu a puidawk ah, a kiang ua chun, “Pute haw, hukdam ah ka um theina ding in bang ka hi diam?” ti’n a dawng tai. Amau chun, “Lalpa Jesu Khrista ging in; tichun, hukdam in um in la tin, la In kuanpite le,” ti’n a dawnhu a.

Suangkul ngakpa khan talo ah khawvel ah um nuam khawvel ah a dawipen, ama ah ei diam? Bible in zia khawvel umlo a dawipen leh kisâm a sak a hin gimgentheina thuak pen chu bang hiding in i gêl uh di, buaina leh natna chuam em? Khawvel buaina chuam chuam tuak di i hiu ti’n ei chuam haksakna, damlona, gen hi. Bible ah Khristiante lunggel gimna leh genthei Hukdamna hi taksa buaina chagatna apat hukdam nuam chuam chuamte lak apat ei diam? Buaina bângma nei hukdam hilo in Thagau thi

tasâ, kumtuang hinna Pathian in ei piak tina a hi! Khristianna leh piangthakna hi khawvel taksa buaina apat zalenna a hiloleh buaina him him beina (*trouble free*) tina hilo a hi. Gingtute chun zia khawvel buaina leh haksatnate chu Pathian panpina zâl in thuak zo zêl di a hi zaw uh hi.

Suangkul ngâkpa chun gitlona thunuai (*dominion of sin*) ah khawsa a hi ti a kihedawk hi. Misual, thagaulam thîna khûkthim ah kipat hukdamna a hawl in, hukdam ngaichâ a hi ti a ki hedawk hi. Zia Bible thu apat ei zilsak nawp chu ahileh mihiamte hi sual thunuai apat HUKDAM ngâi vek i hi dan uh hi a hi. Khawvel mihiamte zosia chu gitlona (*sin*) apat hukdamna ngâi vek i hui hi. Thagaulam piangthakna a pawimaw zia ei muchian sak in a hi. Hukdam (*saved*) kiti hi a kigen takleh gitlona/ sualna apat hukdam tina a hi. Khawvel gitlona apat, Pathian ginglona sual apat hukdam i

nuam em? Bang la pawimaw pen em unau?

Sawlchak Paul tawh Silas umna suangkul ngâkpa (*prison guard*) khan a thagaulam dinmun a kimuchian ma ma in, hukdam ngai, gitlona apat hukdam pawimaw a hi dan a kihedawk tak zet hi. Khawvel mihiamte i pawimaw pen uh chu hukdamna a hi. Pathian ah pat hukdamna, Thagaulam hukdamna a hi i pawimaw pen uh! Nang leh ken le i pawimaw pen chu gitlona apat hukdamna hi a hi! Ei un Pawimaw leh i khawksak ma ma teu kha taksa nawpsakna di lam bep, kumtuang dailo dite a hi kha zaw sek zaw vei maw? Pathian thu zilsakna diklo chiapi a tam ta ma ma hi. Pathian chanchinpha hilo alêm tangkopi ah mipite puimang chîng pawl tamtak a um hi. Chanchinpha (*Gospel*) hi taksa natna apat damna hisêlna di chuleh hausat ah nawpsakna di a hi puai. Sualna zia ah a thagau thi tasate (*dead in sin*) sukhing (hinna piak)

kitna hi Pathian chanchinpha diktak chu a hi. Khawvel ah taksa damlona chuleh gim gentheina chuam chuamte subei ding ah Jesu hung hilo a hi lam gêldaw k zêl hitiu. Zilsaktu lêmte apat chingthei ding in Kochuamte i kichial un a hi. Pauchap damthei kitite haw apat le pilvang di a hi. Lunggêl kithepna (*emotional and mental manipulation*) chiapi a hui hi. Kithawina gual bawl chîng (*occultic practices*) apat kivêng di a hi.

Hukdamna chu Lalpa Jesu kiang bep in a um hi. Gitlonate kisik ah Jesu bêl di chu ei uh mawpuakna a hi. Bêl i ti takleh i bangkim zosia Jesu ging ah, ama khut ah kipedaw k, ki landaw k tina a hi. Hukdamna neitu Jesu chu lunggil titak tak in zuan hi tiu. Ei hukdam di leh ei ngaidam di ah kimansa a hi!

SAM 86:5 “Aw Lalpa, nang chu la pha’n, ngaidam pei, a ko tapote chung ah, ngilneina hau la hi’ngal a” Tichun ei hukdampa chu hechian in, hukdam i hi zia k un lim leh

kipak tak in Lalpa Pathian chu chawihawi zing thei tai tiu

1 Joh 5:2-4: 'Zia hin Pathian chate i hepi dan uh i hiau hi; Pathian i hepiu ah, a thupia kte i zawp ua hin. Pathian hepina chu zia hi ahi, a thupia kte i zop uh hi. A thupia kte le a haksa puai. Pathian ah piang tapo in khawvel hi a nuaisia sek ngâl in. Chun, khawvel nuaisia ah zawna chu zia hi a hi: i ginnau hi'

Thildang zosia sang in JESU i pawimaw pen ui. Gitlo kisikna diktak tawh JESU lam zuan hi tiu. Jesu ah Pianthakna diktak i pawimaw uh a hi. Khristian kiti Pathian apat piangthaklote zia k a hin Kochuam leh khawtang ah natna (buaina) tam sek a hi. Eimau inkuanpite (*family*) chiat Thagau lam dinmun uh páwna in, lungthim puakzâk (*contrite heart*) in kingainiam tak in Pathian panpina dawn dawn zing hitiu. I cha i naute zosia midangte etkawl ding in ngansia puai tiu. Camp leh crusade ahiloleh Pathian thu

gente siamphat ding in gêlta hêt ah Khristianna diktak
puai tiu. Khawtâng ah mawk hinkhua mang zaw ding in
vak vel vel sang in, insung Lalpa Pathian in nang leh
ah Pathian thumatna tawh kei tuni hin ei pawm a hi. Zia
Pathian ma kûn zing minu kawmkâl ah chun; Hukdam
mipa hi ta ding in panla chate Khrista Jesu zâl ah i
chiat hitiu. Pathian thu ah vangphatnau ngaitua daw
lungngâi ngam i mamaw thak kit hi tiu. Pathian thu
tak zet ui. A kilawmna ah awina tawh Pathian a lim in
khawtang Khristianna hi kipak in Pathian chawihawi
haisan in, mutheilo Pathian zing hi tiu.

THÎKKHAU AH KUALKHUMNA KHÊL AH NGAIDAMMNA

Corrie ten Boom's chanchin hi Pathian hepina leh
ngaidamna etsaktu a hi. Kidopi 2 na hun lai in, zia numeinu
leh a insungmite chu Nazi-te (German) apat Judate suachâk
theina ding in bangkim chân ngam in a lah pang hi. Mat ah
um in, Corrie chu numeite huaisetak ah suangkul tânsakna
mun Ravensbruck kiti a chun khum in a um ua, zia mun a
chun a suapinu Betsie chun thîna a tuak hi.

Maleh, Corrie chun ngaidamna a telzaw ta, kum hung
chia zêl in Johannes kiti, suangkul vengtu ah pang lui khat
tawh a hung kimelhiat tau ah. Mi huhamtak himaleh ngaidam
in a kichenpi ta a hi. A pawsal chu le pawmthiam in, a hung
pauchap khawm thei tau a hi.

Corrie chanchin hin ngaidam ding leh Pathian Hepina
pesawn ding in ei tilkho a hi. A lekha zik, 'Kiselnâ mun' chu
haksatna thimnuai ah Pathian umpina ei hiltu thanei tak a
hung hitai.

KHAWITAK A H'EM MUN THIANGTHO CHU?

(Pawtdawna Thu 3:5)

~Rev. Zosangliana Colney
Mission Veng, Aizawl

Pastor senior eila mualliam san pakhat in, “Kochuam hin thingno phu habawl a pawimaw hi” a ti zing sek hi. “A kiphu hilam e” a tiu lehle, “Tu sang ah nasa zaw bawl di a hi. Biak In sak sang inle a pawimaw zaw a hi,” a ti nalai hi. “Hepu, bang a ti lawm lawm ah ziagual ah chu thingno phu la ngai pawimaw ziang a hi em?” tia a dawt ua leh, “Pathian pawlna chang ding in mite’n Biak In sâng in thing phung nuai lam zawk a del zaw sek tau ah, Pathian kilâkna di siam tam a pawimaw chulam,” ti’n a dawnhu hi. Kêlkâng ah mun thiangtho a siam ua, mun dang ah le a siam to zel ui. Pahian Biak In chu mun thiangtho, Pathian biakna leh pawlna mun a hi ti i pawm u’i. Eima insung kil ah pauchapna pindan (*Prayer room*) i siam ua. Ziagual mun chu Pathian pawlna leh ama tawh kinaina’n i mang phachuam ma ma uh a bang ah, kipak le a um ma ma hi.

Ziagual munte chu bang ziak ah mun thiangtho hi ta, mun thiangtho têna chu bang a hi diam? ti ngaitua kham tak a hi. i siamkawm mun thiangthote chu eima’n thiangtho ah i ngai ziak leh pauchapna mun ah i mat ziak ah thiangtho ziang thei a hi em? Mun sechuam i nei ziak ah i sechuamlo mundang zosia chu mun thiangtholo tina a hi ziang diam? Biak In leh thing

phungte leh mun thiangthote ah Thagau pawlna i dawng ah, sual thupha chawi ah i kisik sek maizen tawh... i nasepna leh nêkhawlna lah lamzang thei diaklo. Zia ziak chun, khawitak a h’em mun thiangtho, kua a hi em mi thiangtho, nasep thiangtho chu bang a hi em, tite hi ngaitua ditdet a ngai hi.

Pathian in Mosi a ko ah khan, “Biak In ah hung in la, kiho

hiti,” ahiloleh, “Bethel/Gilgal ah ka masang ah hung kilang in,” a ti diak puai. “La dinna chu mun thiangtho a hi,” ti in a ko ziang a hi. Zia hun laitak ah Mosi dinna kha a sungpa belam ching ah a dinna, nisin a nêk hawlina mun a hi. Zia mun ngei chu Pathian aw hiat theina mun thiangtho chu a lah hi zing a hi.

Joseph chu Aigupta gamlam ah chanvo pawimaw tak piak a hi lai ah khan, “Zia mun ah ei umsak hi Pathian a hi,” a ti ziang thei hi. Ama â ding ah chun a pi (Potiphar ji) pindan kha le Pathian umna mun thiangtho a hi. Kum ni a tâna, mun kha le Pathian nasepna mun pawimaw tak a hi ziang hi. Lal Jesu’n, “a hun tung di a hi tai, zia tâng leh Jerusalem khello ah le, Pa chu biak thei hung hi ta di a hi,” a ti hi i hinkhuau ah a tung kha ta em? Mitilge khan, “Entia, zia tak ah hin tui a um hi, baptisma ka channa ding bang ei dâl a um em?” ti’n lampi kiang ah chun Philip khut in baptisma a chang hi ti i hiau.

Kochuam sum kawltu gin-um tak chun bang a tia sawlkar sum a sukchatvai sek a h’em?

sawm ah khat zek thiangtho ah Pathian kiang ah lân sek chun bang a tia sawm ah pakuate zu leh dumzial chawkna mat khawk salo? i hinkhua zosia leh mun zosia malzawlina i dawn zosia hi Lalpa â, mun thiangtho leh thil thiangtho a hidan hiatna ah i halthak uh a kûl takzet hi.

Pathian nasemtu pakhat chu a sepna mun ah mite’n, “Ama hi chu pulpit ah umzing ding ah pha a hi,” a tiu ah, a genna zia uh a dawt chian uh leh, “Pulpit ah hin a pha, mundang ah a pha puai,” a tiu. Biak In ah mi thiangtho, mun dang ah gitlona kâng mang thei hinkhua hing leh thiangtho nei diaklo ah um ziang khak thei hi.

Mun thiangtho ah Pathian pawlna chang sekte hi mun thiangtho bep ah thiangtho hilo in, mun pawlche leh thiangtholo le Pathian â ding ah lua thiangtho dite hilo i hiu em? Thim salvâk ding ah vâk diktak (*True light*), mitin salvak thei neitute i hiu a hun ta na e! Sunchangpa laitak in kuama’n vâk a kenchuam ngai puau. A hung thim chet leh a hung kilang ngal sek hi. Kochuam leh Biak In

ah vak leh mun thiango ah thiantho hi a pha'i. Thim salvak di leh thiango suhthiangtho ding ah tatte i hui ti hi vang hiatmil keilo di a hi.

Khristian chini a gen sekdan uh khat chu – *Thermometer* Khristian leh *Air-Conditioner* Khristian a hi. Thermometre chu a umna a sat leh a sang ah, a umna a vawt leh a niam sek, a umna vawt leh sat dungzui in a kitheng danglam sek hi. Air conditioner chu vang a umna sa talua a suhvawt ah, a vawt takluat leh a suhlum sek hi. Umna taphawt ah mite umdan leh ngaidan gual ah um ziang thei Khristian chu *Thermometer* Khristian a tiu chu a hi; umna mun taphawt ah mite umdan leh thilbawl chuam sek maleh, boruak nuam leh a ngai ngai gual ah um leh kiveng zing thei Khristian chu *Air-conditioner* Khristian a tiu chu a hi kit hi. Mun thiango ah thiango, mun thiango pawlam ah thiangotholo kit ziang Khristian hi ki tam ma ma leh a kilawm hi. Ka insung ah pauchapna pindan siam di ka ngaitua lai in, ka insung zosia hi khawitak hileh

pauchapna mun hiziang hen ti hi ka lungthim in a hung kilang hi. Pauchapna pindan neite ka demna a hi pua, nei a phatlona le ka he talaw puai. Mun thiango leh hun zek i siam hin a dang zosia hi a thiango puai ei ti sak a hi dia aw ti ka ngaitua sek hi.

Khristian ngen chiakhawm ti hiatsa sa ah pawl chuam chuam tawh kipawlkhawmna hunte ah hin Bible sim ah pauchapna hun mat hi i zawngsak ua, a hi di him le a hi ma ma in ah. Himaleh, zia hun zek i mat sung bep tilo Pathian leh a thu hiatzuina umlo leh Pathian thu tawh kituaklo item leh thu leh lâ zalen kit ma ma ziang sekte hi banggual ah gen tuak ah gen fel di a diam ti hiatthiam a haksak sek hi. Hun leh mun zosia hi Lalpa umpina nuai in hung thiango phawt henla. Zia hun leh mun ah umte chunle hinkhaw thiango leh nasep thiango sem siksek leu hin a nawp diak didan!

*Chawlni Lalpa, zia ka dawî u'i,
Lei hi la Temple hi henla;
Ni dangte le, Nangma biak ni,
Ka hat git uh le lâ'n chang hen.*

KARBI ANGLONG MISSION FIELD KA ZAWTNA

~ Pu Khamlallian
Missionary, Karbi Anglong Mission Field

A masa'n, damna leh hunpha ei pia Pathian kiang ah leh a Kochuamte chung ah kipak thu um hen la, chuleh i Lalpen uh Pathian min in a Kochuam te zosia Chibai ka hun buk a hi. Ni 27 July, 2025 ni a khan Jubilee Kochuam ah Missionary thâkna leh Pauchap piakna programme a kimang ah, chun ni 5 August, 2025 ni a khan ka kipan dawk ua Karbi Anglong Mission Field zuan tau hi. Kei hi ka Nu tawh Ka hia, ka loipa Pu Siamlal hi a zi tawh a châte tawh a hui ah. Ni 6 August ni a khan damtakin katung ua Karbi Anglong Mission Field, Kei Station Dillai, Karbi Anglong chu zân dak 8:30pm vêl ah katung un, Zan ah katung ua chun Pastor Richard Lalremsiama Bialtu Pastor (Sarihajan Pastor) leh Sêmtu Evangelist khenkhat Sarihajan Compound a kipat in ka In lua na di mun ah eila dawn un, An leh me tuitak eila bawl piak ui. Chun, an kanêk zaw ua chun kikhawp na Pastorpa'n a nei ah chawm khat zaw'in ei nusia tau hi. Ni 10 August 2025, (*Sunday*) ni khan, Dillai Zero Point ah, Home Church, Pu Dhoni Ingtite In ah, Bialtu Pastor leh Sarihajan Compound lam ah Sêmtute haw hung in Installation Programme ka mang ua, Pastor in Pauchappiakna tawh fuina haw gen in, ken le zia ni a kipat chun nâ kala sem pan a hi.

KarbiAnglongMissionField	Pu Shyamlal hi ka hui leh,
hi East leh West in a kikhen ah,	kei East Karbi Anglong, Dillai
Tangphai Provisional Synod	Bazar, Karbi Anglong Sarihajan
a kipat kuan masa Kei tawh	Pastorate lam in ka um ah, Pu

Shyاملal te hi a hieu leh West Karbi Anglong, Umru in a um ui. Amau hi Dongkamukam Pastorate nuai ah um a hieu ah. Ka kikâk dân uh hi 130 KM vêl ah gamla a hi. Pu Shyاملal te hi a hieu leh Home Church dân in a in ua kikhawp na nei sek in a kimang cha sek ua Biak In haw a umnailo zia in. Kei uh hi ka hieu le Dillai a kipat 6 km vêl ah gamla Zero Point kiti Dillai sung hitho zia tak ah chun a gam mite Christian Inkuan pani a la umsa Pu Dhoni Ingtite sungkuan leh Pu Wuphong englengte sungkuan tawh, Home Church or fellowship ti dan in Pu Dhoni Ingtite in ah kakikhawm khawm sek ui. Pathian Zâl in a kitungsuk a kipat tuchan hi pau leh ham kibanglo maleh lim tak in a kakikhawm khawm thei zing ah a kipak um ma ma hi. Gingu a hung pun ah kim leh kiang ah um Honghari haw leh Hindu haw leh a gam mite hawn Chanchinpha leh

Jesu Khrista thu a hung het ua Kochuam member a pun zel theina ding in, Kochuamte'n Pauchap na'n het zing a kûl in pawimaw ma ma a hi.

Mission Nasep dân tângpi a hi leh, Thasin in Prochar/ Prosar a ki nei sek ah. Nithum 3 Days a ki giak dawk sek a mun chuam chuam in a gam mi Kraws sepai le a ki tia Native worker haw tawh, zia tak chu leh Christian hilo te in haw ka visit sek ua Damlote haw va tawh in Pauchapnate haw le a ki nei sek ui. Thasîn leh khua chuam chuam tichun kapawt dawk sek ui, chun Karbi Synod sung ah Presbytery Khawmpi haw leh a dang dang haw Pastorate khawmpi si'n le a kipang sek a hi. Chuleh mani mimal a um na kiang tuam vêl ah a gam mite in haw ka visit zêl sek ah kakiholimpi sek ah. A pau thiam nailo maleng neukhat hindi pau tawh English pau tawh karbi hêt sun sun haw mangcha'n ka va taw

¹ Honghari hi Christian hilo animism i la tiu gindan lui, i pu leh pateu hun lai a gan thisan vêl ah kithawi sek gual kha a hi. Hemphu a tiu a ni danglai pathian uh leh worship of ancestral and territorial spirit, kithawi sek nalai haw a hieu, 84% vel hi Hindu tawh Honghari a hina lai ui, Karbi Anglong hi, pan lak nadi a tam ma ma na lai hi.

sek ah. A gam mite hi mikhel a hi puau ah a pawlnawp tangpiu hi, khenkhat hi pangai tak tak le a um ui. Christian hilo maleu ziate hi *direct evangelism* ah *approach* ziang hi dân khule *sensitive* thei a hi ziax un topic chuam chuamte mangchan ka ki holimpi sek hi. Khenkhat vang chu Pathian thu le a gen ngal thei tho ah, kihopite a kipat in thiamna leh zilna lam a hin a khangto ut ui. A tangpi kaholim pite a kipat hin a cheng khawm dân uh leh a gam mite hi thil mak deu khat chu cheng bum hi a thiam bêklo ei diam uh a ti thei ah. Kikâk tak tak in a um ua unau khat in Tâng pakhat hi a nei ziang dân un a uma mun khen khat a hin, a In teu haw chu a kikak thei ma ma hi, school kai na haw le a bailam pua 3/4/5 km tivel a gamla a hi mai ah, a khawsak dân uh le a bailam in a simple thei ma ma ui. I nu leh pa i pu te'n a gensek uh nidang lai haw kha a châng leh a tak ah va kimu a bang ziang sek hi.

Contextual mission practice

of adapting Christian ministry, message and outreach to fit the specific culture ti hi thupi a nei kawm a nasep a himai ah. Karbi Anglong a hin Student Organisation Karbi Student Association KSA 6 vêl a um ah Karbi sung leh nam sung ma ma in, thilpha pen chu hilo maithei a hi. Christian Percent hile a tawm ma ma nalai ah 16.5% a hia 84% vel hi Hindu/ Honghari a hinalai a hi. Assam sung a ding ah chu Karbi Anglong hi nasep a nuam ma ma nalai ah. Pathian zâl in, a gam leilung a hawi in a mite hawle i ki khe puau ah i mêl teu haw le u nau gual in ei en thei thou ua a Hindu tak tak kawl te haw sang in, ei ngaina zaw uh a hi. Pathian in a nâ semthei ding ah damna leh hinna eipiak ziax in a kipak um ah, chuleh malsawmna tam tak eipe nalai ah, Huapzo(*Holistic Mission*) tak ah Lalpa dawidan ah a nâ i sep zing thei na ding un Pathian in i bawn un a kochuam mite ei hun umpi zêl ta hen.

WEST KARBI ANGLONG MISSION FIELD CHINTHONG BLOCK NASEPNA REPORTS

~ Pu Shyamlal Vaiphei
Missionary, Karbi Anglong Mission Field

Lalpa Jesu min in Kochuamte kei leh ka inkuante'n chibai ka hung buk ui. Kochuam mipite ei pauchap piakna zâl in, Mission Field ah i nâ sepnau report pe thei ding ah ka um hih ka kipak ma ma hi. Kim tak ah report hung pia kim puang ka tin himaleh a tangpi ah report thei chu ziagual hi a hi.

Mission field zawtdan leh Tunni:

Ni 5 August, 2025 a khan Churachandpur a pat kipan in Aizawl, Mizoramzuan in Silchar Assam paltheng in West Karbi Anglong ah Dongkamukam Pastor Bial te'n ei la dawn un, Pastor's Quarter in zan khat giak ma lahm in, ni 7 August, 2025 Ningani in ka umna ding mun uh Quarter chu Pathian mapuina zâl in ka tung ui.

Umna mun leh Kawidetna (Installation):

Chinthong Block/Area hi mission field Extension thak lek a hi, ni 4 April, 2025 khan Rev. R. Lalhminganga Secretary SMB chun a lah hawn daw bep

a hi. Keimau Umna Quarter mun hi Baitha lahngso, Umru Village, Chinthong Block a hia, zia khawsung a hin In 200 vêl umna khua a hi. Missionary Thak kawidetna (*Installation*) hi ni 10 August, 2025 khan, Dongkamukam Pastorate ah Bialtu Rev. Joseph Vanlalfakawma, mapuina in Dongkamukam Pastor Bial sung ah Evangelist, Kraws Sepai leh Missionary sêm zing laite, Kochuam Upate leh Hamren Bialtu Pastor leh a seppi a hung pang thei tiangte hung in, kawidetna hun ei hung mat pi ui. Zia ni ah ei thu vaithâk uh chu Nangmau Quarter khêl apat

a hin Khristian mu di vâng ma ma in ah ti hi a hi. Zia chun ei suthawmhau ma ma a hi. Pathian kiang ah pauchap in, na chu sem pan ding in ka hung kisa tai.

Nasep patdan:

Pathian mapuina zâl in ni 11 August, 2025 ni a khan ka chateu School kaina di ka sufel thei ngal ui. Ka umnau mun hi Karbi mite tamna mun a hia, karbi pau zil zing kawm in, pau thiamlo kawm kawm in, Ka um nau area te hi hiatchian gua in zingkal ah walking chia gual in Cycle in 3 or 4 Km ka vâk vel pai ngal hi. Ka ginchak khêl in Khristian hi a lah um tam bawn hi. Biak In mun khenkhat ah ka vak mu in ka kipak ma ma in, ka thê le a muang ma ma hi.

Ni 17 August, 2025 a hin Quarter mun in Kikhawpna ka mang pan thei ngal ui. Zia ni a hin a gammi (Karbi) Kraws Sepai a kila Pu Raidang Hanse leh a zi Pi Sangway Teronpi tawh kikhawpna ka mang un, Pathian chawihawina lâte sa in Pauchap khawmna hun in ka mang ui.

Ni 20 August, 2025 a hin Naute school in ka va thak pan in, zia ni a pat hin lawi leh pai ding mi ka hung nei pan hi. Nu leh pa khenkhat te'n khawi apat hung ah, bang nasem ka hi ei dawng sek un. Keima'n le Manipur a pat hung ka hin, Evangelist ka hi ti in ka dawnhu sek hi. Khenkhat in ei lawp ma mau in a kipak thei ma mau hi. Chuleh a gam ua hi Khristian tam nailo a hi dan uh ei hil ngal sek ui.

Khawsung a hin zû huan a tam ma mau ah, kithawi chîng nam a lah hui hi. Khawsung a hin a kimkhat (*Half*) tavang hi chu khristian a lah hisa a hi tau. Khawsung hi a changkâng pua, In hawitak le a um talaw pua, thing In le hi lo, Gua (*Bamboo*) ah kisa Inte ngen deu a hi. School pha a um pua, English Medium School hi a ngaisang ma mau in a ma maw ma mau le a hi.

Nasep dân tangpi:

Pau leh ham thiam ah thu leh lâ hil thei a kihi nailo zia in sep leh bawl in mite panpi theidan dan ahte ka panpi sek

hi. Huan siam, lo kai, huan sukthian/ huanvât, bu ât leh naupangte lekha hil a ten sep leh bawl ding um phawt chu a neu talua ti umlo in ka sem pan ngal a hi. Zia ah mite panpina nasep sêm ah ka chianate a hin Damlo Pauchap piak ngai ten le Pauchap piak ding in ei chial sek un, Pathian in ka sepna ding uh lampi chu ei hawn piak zêl a hi.

Ziagual ah keima mimal ah hilo in thâsin in Bial in Programme a hung siam ah, Seppatni masapen leh Seppatni nunungpen a hin evangelist devotion leh meeting ka nei sek un, Report leh Thâ khat sung ah Prosal (*Outreach*) chiana ding munte ka gen khawm sek ui. Tha khat sung in hun lem châng guat in a pawl ah (*Group*) Prosal a hin khua gamla tak takte ah, gingtu tamlo na mun ahte ka pawt zel ua, ni thum (*3 days*) ka va giak dawk sek ui. Tutiang ah prosal ah ka chiana mun te hi chu Khristian In khat bep umna munte a hi nalai hi. Zia zia a chun, hapitak ah sep zêl

di hi eimau mawpuakna a hi ti ka vak sulang nuam a hi.

Kei uh umna Chinthong Block (Mission Field Hawthakna) sung vâng hi Honghari (Khristian hilo) karbi mi kulmut ma mate umna a hi. Khenkhat gen dan vang in, a genhak leh sawi sak hak ma ma mite umna mun leh gam a hi a tiu hi. Karbi mi khenkhat vâng in Chinthong lam hi gamhaksa leh miphalo a tam hi, la chia phat leh pilvang ma ma in ti in ei hil sek ui. Pathian zâl in tuni tiang a hin buaina leh haksatna gen ding vang a um sam puai. A gam leh mite chu ziagualchu himaleu Lalpa nasepna ding in kawt a ki hawng zing na lai hi. Chinthong Block Sung ah lalpen kiang tiang le Gospel Team a gam enthatu ding ah kisawl te a va lut thei ua, Zia a lalpen uh ngei chunle School phatak ama maw thu uh a lah hil hi. Ziagualthupha leh hawi hi chu Field Secretary kiang le tung nailo a hi. Report piak a hi hun leh tusang ah kawt hawi zaw leh masawanna pha zaw

a hung um ngei ginchak a um hi. Kochuamte'n pauchapna'n hapitak in delzui jel hi tiu.

Thukhakna:

Tu dinmun tiang ah hin chu i nasepnau tia report ding thupi tak um nailo maleh, Kum hung tung zêl ding a hin Kochuamte'n le Pauchapna tam zaw tawh Lalpa ah kinem lello in, gunchu leh thanuam in pang zêl leu hin, Lalpa'n ama lam ah pang di mihangsan leh miginum ei hung pe di a hi. Bible ah, 1 Korinth 15:58 na chun ziagual hin ei hil a hi, "Zia ziak chun, ka dawitakte haw, sukling zawlo ding ah det tak in um un la, Lalpa nasepna chun theitawp sua zing un; la sepgimnau chu Lalpa ah chun a thawn puai, ti la he ngal un". Kochuamte Pauchap piakna zâl in tuni tiang a hin suklau leh sukling in ka um puau hi. Thagau mangthai sâng tamtakte umna gam ah sem zing i hui. Kichawl thei mai di i hi puau ei! Gunchu leh thanuam tak in sem zêl hi tiu.

Baithalangso Preaching Station Report chawmkim:

Baithalangso P/S hi ni 19 October, 2025 Pathianni khan Rev. Vanlalfakawma in hawna a nei hi.

Inn zat --- 2 (2 Families)

Memberzat —13 (Thirteen) himaleh naupang 2 leh pawsal piting 1 hi kei man le ka mu kha nai puai, mun dang ah um a hui. Active tak ah um thei hi mi 10 ka hui.

Piting - 7, Pawsal - 4

Numei - 3, Naupang - 6

Numei - 2, Pawsal - 4

**Baptisma Chang thak - 1
(Piting)**

Evangelist - 1, Kraws sepai -1

**Kikhawpna mat patni 17
August, 2025 Pathianni kha a
hi.**

Biak In um nailo (*House church*) Kikhawpna mun hi ka theng vel vel sek ui. ka kikhawppi teu hi tawh ka umnau kikâk dan hi 7 km leh 8 km vel a hi. Pathianni bep ah kikhawm thei ka hi na lai ui. Ka kipak ui.

KKP HUANG

PASTOR BIAL KKP CONFERENCE (2026) MATNA MUNTE LEH PUITU THAKTE

LAMKA SOUTH PRESBYTERY

1. MATA PASTOR BIAL CONFERENCE 17-VEINA

A mun : S. Bualkot Kochuam
Biak In

Leader -

Tual Upa Songliansang

Asst. Leader -

Tual Upa SK Malsawmlian

Secretary - Tv. Thanglalzou

Asst. Secy. - Tv. Soiliankap

Treasurer - Pu Genbiaksang

Fin. Secy. - Tv. Lallianmang

2. PANGLIAN PASTOR BIAL CONFERENCE 18-VEINA

A mun : Panglian Kochuam
Biak In

Leader - Tv. Letgoumang

Asst. Leader - Tv. Gensiamlian

Secretary -

Tv. Kennedy Paumuankhup

Asst. Secy. - Tv. Suanlianmung

Treasurer -

Nk. Lily Tingmuankim

Fin. Secy. - Nk. Niangzoukim

3. S. MUNNUAM PASTOR BIAL CONFERENCE 6-VEINA

A mun : S. Munnuam Kochuam

Leader - Pu K. Soson

Asst. Leader -

Tual Upa Thanginlun

Secretary - Tv. Kamvenzui

Asst. Secy. - Tv. Dongminlun

Treasurer - Nk. Chong Mary

Fin. Secy. - Pu Paominlal

4. SINGNGAT PASTOR BIAL CONFERENCE 2-VEINA

A mun : Singngat Kochuam

Leader - Pu Khuplemlal

Asst. Leader - Tv. Khuplallun

Secretary - Pu Ginlalsang

Asst. Secy. - Tv. Khailemmuan

Treasurer - Nk. Tingbiaklun

Fin. Secy. -

Nk. Jessica Niangbiahhoi

5. SUMTUKPHAI PASTOR BIAL CONFERENCE 2-VEINA

A mun : Sumtukphai Kochuam

Leader - Tv. Manglalthalim

Asst. Leader - Tv. Zoramthang

Secretary - Tv. Lamgousang

Asst. Secy. - Tv. Mangginlal

Treasurer - Nk. Niangphahoi

Fin. Secy. - Pu Henmalsawm

LAMKA NORTH PRESBYTERY

1. LAMKA PASTOR BIAL CONFERENCE 22-VEINA

A mun : Hill-town Kochuam
Leader -
 Pu S. Mangtinlien
Asst. Leader -
 Tv. Thangmuanlal
Secretary - Tv. Ginlalzo
Asst. Secy. -
 Tv. D. Pauthianmang
Treasurer -
 Nk. Mercy Hoilunting
Fin. Secy. - Nk. Doilamhoi

2. KANGVAI PASTOR BIAL CONFERENCE 21-VEINA

A mun : Kangvai Kochuam
Leader - Tv. Vangpu
Asst. Leader - Pu Lalminlian
Secretary -
 Tv. K. Peniel Vaiphei
Asst. Secy. -
 Tv. Thangboi Neihisial
Treasurer -
 Nk. Florence C moite
Fin. Secy. -
 Tv. Onkhai Lhungdim

3. S. KAWTLIAN PASTOR BIAL CONFERENCE 18-VEINA

A mun : Pengjang Kochuam
Leader - Tv. Kamzoulilian
Asst. Leader - Tv. Paulalsang

Secretary - Tv. Kamdoisak
Asst. Secy. -
 Tv. Damlallemguat
Treasurer - Nk. Nemzamawi
Fin. Secy. -
 Tv. P. Damlalson

4. LEILON PASTOR BIAL CONFERENCE 24-VEINA

A mun : L. Suangtun Kochuam
Leader - Tv. Robert
Asst. Leader -
 Tv. Kh. Malsawm
Secretary - Tv. Gouthang
Asst. Secy. - Tv. Muanlal
Treasurer - Nk. Mawinu
Fin. Secy. - Nk. Boifel

5. THEMBASUK PASTOR BIAL CONFERENCE 1-VEINA

A mun : Thembasuk Kochuam
Leader - Tv. Lam Samuel
Asst. Leader - Tv. Lalthansang
Secretary - Tv. Lianminthang
Asst. Secy. -
 Tv. Peter DK Vaiphei
Treasurer -
 Nk. Tingngaihulun
Fin. Secy. - Tv. Lamgoumang

TANGGAM PRESBYTERY

1. MUNPI PASTOR BIAL
CONFERENCE 16-VEINA

A mun : Munpi Kochuam
Leader - Tv. Lamthianson
Asst. Leader - Tv. Lamzamlal
Secretary - Tv. Pausonlal
Asst. Secy. -
Tv. Muanchawisang
Treasurer - Tv. Manglalsawm
Fin. Secy. - Tv. Pumminlal

2. D. KHAWZIM PASTOR BIAL
CONFERENCE 16-VEINA

A mun : V. Munlai Kochuam
Leader -
Tual Upa P. Malsawm
Asst. Leader - Tv. Thanglungmang
Secretary - Tv. Tuakpi
Asst. Secy. - Tv. Lungoulian
Treasurer - Pu. T. Roupui
Fin. Secy. - Nk. Nancy

3. KAWLHEN PASTOR BIAL
CONFERENCE 19-VEINA

A mun : Kawlhen Kochuam
Leader - Tv. Kamlaljoy
Asst. Leader - Tv. Hensonthang
Secretary - Tv. H.N. Robert
Asst. Secy. - Tv. Lamthansang
Treasurer - Tv. Pauthianggo
Fin. Secy. - Tv. Mangzahau

4. PHAIPHENG PASTOR BIAL
CONFERENCE 18-VEINA

A mun : Phaipheng Kochuam
Leader - Tv. Soilalthuam
Asst. Leader - Tv. Paukaplian
Secretary - Tv. Kamsonlun
Asst. Secy. - Tv. Ginlaluat
Treasurer - Tv. Lamsonlian
Fin. Secy. - Pu Hauchansang

5. LEIJANGPHAI PASTOR BIAL
CONFERENCE 16-VEINA

A mun : Phainuam Kochuam
Leader - Pu Nekthiansiam
Asst. Leader - Tv. Ginbiaklian
Secretary - Pu Lamlalmuan
Asst. Secy. - Pu Ginminlun
Treasurer - Tv. Haubiaklian
Fin. Secy. - Pu Thanglethuam

6. PHAILIANBUNG PASTOR
BIAL
CONFERENCE 16-VEINA

A mun : L. Phunchongjang
Kochuam
Leader - Tv. Haulalmuan
Asst. Leader - Pu Pausawnkap
Secretary - Tv. Thiankoppiak
Asst. Secy. - Nk. Lamneifel
Treasurer -
Nk. Nemlemthiam
Fin. Secy. - Nk. Ngailemhoi

LAMKA CENTRAL PRESBYTERY

**1. D. PHAILIAN PASTOR BIAL
CONFERENCE 18-VEINA**

A mun : Centenary Kochuam
Leader - Tv. Kamdinglian
Asst. Leader - Tv. S. Paukhanlal
Secretary -
Tv. Khamjameson
Asst. Secy. - Pu Francis Mimin
Treasurer -
Nk. Florence Nemngaihching
Fin. Secy. -
Tv. Lamsawnthang

**2. NEW LAMKA PASTOR BIAL
CONFERENCE 12-VEINA**

A mun : Bethlehem Kochuam
Leader - Tv. Kapsonlal
Asst. Leader - Tv. Kevin Goulian
Secretary - Pu Zuilemsiam
Asst. Secy. - Tv. Thangbiaklian
Treasurer - Tv. Ginlalsiam
Fin. Secy. - Tv. Khambiaklal

**3. DONGJANG PASTOR BIAL
CONFERENCE 14-VEINA**

A mun : Dongjang Kochuam
Leader - Gl Limminlal
Asst. Leader - Pu Sutgolian
Secretary - Gl Manglun
Asst. Secy. - Gl Thonggoulen
Treasurer - Gl Limkhomang
Fin. Secy. - Gl Hausanglal

**4. DUMLIAN PASTOR BIAL
CONFERENCE 13-VEINA**

A mun : L. Muncham Kochuam
Leader - Tv. Lamginthang
Asst. Leader - Nk. Chinremjou
Secretary - Tv. Alvin
Asst. Secy. - Tv. Manglemsang
Treasurer -
Nk. Chongngaihniang
Fin. Secy. - Nk. Lingremmoi

**5. GANGPIMUAL PASTOR BIAL
CONFERENCE 2-VEINA**

A mun : Gangpimual Kochuam
Leader - Pu T. Zuan
Asst. Leader - Tv. T. Moia
Secretary - Pu. V. Thangboi
Asst. Secy. - Tv. Lelminlun
Treasurer -
Nk. Niangngaithiang
Fin. Secy. -
Tv. Khamminthang

14th KKP GENERAL CONFERENCE - 2026

A hun : 05th - 08th March, 2026
Thupi : “Vaihawmna dik” (Amos 5:24)
A mun : Jubilee Kochuam, D. Phailian Pastor Bial

PROGRAMME

Speaker - Rev. C. Lalngaihawma,
i/c Tlabung Chawnpui Pastor Bial, Mizoram Synod

NINGANI — 05/03/2026 | 06:30pm

PALAI LAWPNAL LEH BIAKNA KIKHAWP

Puitu : Rev. Lallunglian Vaiphei, Leader
Pantu : D. Phailian Pastor Bial
Reports khaikhawm : Tv. Lianmuanthang Vaiphei,
General Secretary
Lapawl : Synod Choir,
S. Kawtlian Pastor Bial,
Phaipheng Pastor Bial,
Panglian Pastor Bial
Thugentu : Synod Moderator
Kumpuan Bu hawnna leh latna: Synod Secretary

FELLOWSHIP (Ningani Nitak Kikhawp pel)

Puitu : Tv. Lalzel, Committee Member
Tv. S. Lalthamuan,
Committee Member
Solo : D. Khawzim Pastor Bial,
Gangpimual Pastor Bial
Group Song : Phailianbung Pastor Bial
Quartet : Dumlian Pastor Bial
Acapella : Mata Pastor Bial
Female Voice : Dongjang Pastor Bial
Drama : S. Munnuam Pastor Bial
Short Speech : Pu Nenglalsang

SIMHAINI — 06/03/2026 | 10:00am — 04:00pm

VAIHAWMNA LEH KITELNA— Jubilee Kochuam Biak In

SIMHAINI — 06/03/2026

VAIHAWM KAL VARIETY PROGRAMME | 10:30am

Puitu	:	Pro. Pastor P. James
Male Voice	:	Leilon Pastor Bial
Solo	:	Kawlhen Pastor Bial, D. Phailian Pastor Bial
Kumpulan Thillawkna:		Rev. Lalgouliau
Mime	:	Bengaluru Branch
Worship Dance	:	Munpi Pastor Bial

SIMHAINI NITAK BIAKNA KIKHAWP | 06:30pm

Puitu	:	Tv. Ginlalsiam, Committee Member
Pantu	:	Thembasuk Pastor Bial
Lapawl	:	Synod Choir Kawlhen Pastor Bial, Mata Pastor Bial, Dongjang Pastor Bial
Thugentu	:	Rev. K. Neihsial, Executive Secretary

FELLOWSHIP (Simhaini Nitak Kikhawp pel)

Puitu	:	Pu Lamjoylian, Committee Member Tv. Kennedy, Committee Member
Solo	:	Leijangphai Pastor Bial
Worship Dance	:	Dumlian Pastor Bial
Shadow skit	:	D. Phailian Pastor Bial
Costume show	:	Lamka Pastor Bial
Short Speech	:	Pu V. Thangboi, Asst. Leader
Male Voice	:	Singngat Pastor Bial

KIGINNI — 07/03/2026

ZINGKAL PATHIAN BIAKNA KIKHAWP | 10:30am

- Puitu : Pu Lunmichael,
Committee Member
- Pantu : Delhi Branch
- Lapawl : Synod Choir,
Dumlilan Pastor Bial,
New Lamka Pastor Bial
Sumtukphai Pastor Bial
- Thugentu : Rev. C. Lalngaihawma, Speaker

SEMINAR (Sùnnung) | 01:30pm

- Puitu : Nk. Kimsawnhoi,
Committee Member
- Female Voice : Leijangphai Pastor Bial
- Resource Person : Pu Soiminlian Lengen, MCS
- Thupi : “Taimatna”

KIGINNI

NITAK PATHIAN BIAKNA KIKHAWP | 06:30pm

- Puitu : Tv. Malsawm,
Committee Member
- Pantu : Leilon Pastor Bial
- Lapawl : Synod Choir,
D. Khawzim Pastor Bial,
Munpi Pastor Bial,
Thembasuk Pastor Bial
- Thugentu : Rev. C. Lalngaihawma, Speaker

KIGINNI (Kiginni Nitak Kikhawp pel)

MUSICAL NIGHT

Puitu	:	Tv. Thangmohan, Asst. Secretary Nk. Nengneichong, Committee Member
Artist	:	Mary Vaiphei, Doisawmkim, Sarah Hatlalkim, Nekmuansang, Racy
Speech	:	Tv. Thangneikhup, Convenor Synod Choir
Live Band	:	Lamka Pastor Bial, New Lamka Pastor Bial
Musical Drama	:	S. Kawtlian Pastor Bial

PATHIANNI — 08/03/2026

ZINGKAL BIAKNA KIKHAWP | 10:30am

Puitu	:	Pu Henminlian, Committee Member
Pantu	:	Munpi Pastor Bial
Lapawl	:	Synod Choir, Gangpirnual Pastor Bial, Phailianbung Pastor Bial, S.Munnuam Pastor Bial
Thugentu	:	Rev. C. Lalngaihawma, Speaker

SÛNNUNG KIKHAWP | 01:30pm

Puitu	:	Tv. Mangzakhum, Finance Secretary
Female Voice	:	New Lamka Pastor Bial,
Lapawl	:	Synod Choir, Singngat Pastor Bial, Leijangphai Pastor Bial
Thugentu	:	Rev. C. Lalngaihawma, Speaker

PATHIANNI

NITAK BIAKNA KIKHAWP | 06:30pm

- Puitu : Pu V. Thangboi, Asst. Leader
- Lapawl : Synod Choir,
Lamka Pastor Bial,
D. Phailian Pastor Bial,
Kangvai Pastor Bial
- Puitu thakte latna
- leh pauchappiakna : Rev. C. Lalremruata,
- Consultant
- Thugentu : Rev. Lallunglian Vaiphei, Leader

FELLOWSHIP (Pathianni Nitak Kikhawp pel)

- Puitu : Pu Lalminlian,
Committee Member.
Tv. Henry Lamkhohen,
Committee Member
- Solo : Lamka Pastor Bial,
Bengaluru Branch
- Costume show : S. Munnuam Pastor Bial
- Drama : Kangvai Pastor Bial
- Worship Dance : Panglian Pastor Bial
- Speech : Nk. ManJulie Vaiphei, D.Th
Researcher, ATC
- Live Band : Delhi Branch
- Recitation : Singngat Pastor Bial
- 2028 Gen. Conf.
- Highlight : S. Munnuam Pastor Bial